



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Broj:02-49-8231/1P
Zenica,28.03.2018. godine

Bosna i Hercegovina
Federacija Bosne i Hercegovine
Kanton Sarajevo
Kantonalno tužilaštvo
SARAJEVO, ul. Radićeva broj 6.

PREDMET: Prijava krivičnog djela, dostavlja se,

Polazeći od odredbe člana 228.stav 1. Zakona o krivičnom postupku Federacije Bosne i Hercegovine ("Službene novine Federacije BiH",BR. 35/13, 37/03, 56/03, 78/04, 28/05,55/06, 27/07, 53/07, 9/09, 12/10, 8/13 i 59/14) obavještavamo Vas da je Grad Zenica u postupku pribavljanja relevantnih informacija o postupanju ovlaštenih lica Federalnog ministarstva financija/finansija došao do saznanja da nisu poduzete potrebne pravne radnje u drugostepenim postupcima rješavanja o žalbama pravnih lica koja se bave pružanjem usluga igara na sreću. To Ministarstvo kao drugostepeni organ već duže vrijeme ne poštuje propisane rokove za rješavanje po žalbama čime se nanosi direktna šteta Budžetu Grada Zenica, s obzirom na činjenicu da je riječ o izvornim budžetskim prihodima Grada.

Nepoduzimanje pravnih radnji (rad drugostepenog organa po žalbi) u navedenim predmetima upućuje na zaključak da je od strane službenih lica Ministarstva učinjeno krivično djelo iz člana 387. u vezi sa članom 383 stav.1.Krivičnog zakona Federacije Bosne i Hercegovine ("Služben novine Federacije BiH", br.36/03, 37/03, 21/04, 69/04, 18/05, 42/10, 42/11, 59/14 i 76/14). Naime, Gradsko Vijeće Zenice je na sjednici od 28.decembra 2016. godine donijelo Odluku o izmjenama Odluke o komunalnim taksama Grada Zenica ("Službene novine Grada Zenica",br. 1/17).Porezna uprava Federacije BiH, Kantonalni porezni ured Zenica, Porezna ispostava Zenica je u skladu sa tom Odlukom, postupajući u okviru svojih ovlaštenja, sačinila i podnijela porezne prijave komunalne takse u ime poreznih obveznika pravnim licima koji se bave pružanjem usluga igara na sreću,a koji nisu podnijeli prijave i koji prijave nisu podnijeli



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

u propisanim iznosima. Na navedene prijave poreski obveznici su podnijeli žalbe koje su dostavljene Federalnom ministarstvu financija/finansija kao drugostepenom organu na postupanje. Prema odredbi člana 76. stav.3 Zakona o Poreznoj upravi Federacije BiH rok za rješavanje po žalbi je 30 dana. Federalno ministarstvo financija/finansija nije u zakonskom roku (a ni do danas) riješilo ni po jednoj od žalbi zbog čega se Grad Zenica prvo obratio Poreznoj ispostavi Zenica sa zahtjevom za dostavu podataka o realizaciji naplate komunalne takse, koja je Gradu Zenica svojim dopisom br. 13.4-/1-2110/ od 07.09.2017. godine dostavila informaciju da je preduzela sve radnje predviđene Zakonom o Poreznoj upravi i da su svi postupci po žalbi pred drugostepenim organom, odnosno Federalnim ministarstvom financija/(finansija. Obzirom na prednju informaciju Porezne uprave, Grad Zenica je dopisima od 11.09.2017. i 22.10.2017. godine od Federalnog ministarstva financija/finansija zatražio dostavu podataka o statusu predmeta po žalbama vezano za razrez i naplatu komunalne takse pravnih lica koja se bave pružanjem usluga igara na sreću. Dopisima Ministarstva od 27.09.2017. godine i 13.11.2017. godine Grad Zenica je obaviješten da to Ministarstvo navodno radi u otežanim uslovima iz kog razloga "tek" rješavaju 2015. godinu. Takvim postupanjem Federalno ministarstvo financija/finansija krši odrebe Zakona o upravnom postupku te Zakona o poreznoj upravi Federacije Bosne i Hercegovne ("Službene novine Federacije BiH", broj: 33/02, 28/04, 57/09, 40/10 27/12, 7/13, 71/14 i 91/15), što za posljedicu ima neostvarivanje budžetskih prihoda Grada Zenica , iz osnova komunalne takse od pravnih lica koja se bave pružanjem usluga igara na sreću.

Dakle, unatoč urgencijama Grada odgovorna lica u Federalnom ministarstvu financija/finansija svojim nepostupanjem u navedenim predmetima i dalje krše zakonske odredbe zbog čega Grad Zenica trpi štetne posljedice, pa Vas molimo da bez odlaganja poduzmete potrebne radnje u smislu člana 231. Zakona o krivičnom postupku Federacije Bosne i Hercegovine protiv odgovornih lica u Federalnim ministarstvu financija/finansija.

S poštovanjem,



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Prilozi:

- dopis Porezne ispostave Zenica br.13-4/1-49-1-2110/17 od 17.09.2017. godine,
- dopis Grad Zenica br.02-49-15194/17 od 11.09.2017. godine,
- dopis Federalnog ministarstva finansija/financija br. 03-15-1-6198/17 .S.O. od 27.9.2017.godine,
- dopis Grad Zenica br. 02-49-1808/17 od 22.10.2017.godine,
- dopis Federalnog ministarstva finansija/financija br. 03-15-1-6198/17 S.O. od 13.11.2017.godine.
- Odluka o izmjenama i dopunama Odluke o komunalnim taksama Grada Zenica ("Službene novine Grada Zenica br.1/17"),
- Uvid u pojedinačne spise pred federalnim ministarstvom finansija/financija.

S poštovanjem,

Dostavljeno:

1 x Naslov

1 x a/a



Gradonačelnik

Fuad Kasumović